

# **Канон молебный ко Пресвятой Богородице, поемый во всякой скорби душевной и обстоянии**

*с прибавлением молитвы о восстановлении мира*

«Во дни Великого поста, когда Церковь в покаянии предстоит Господу, обращаюсь ко всем вам, мои дорогие, с призывом читать ежедневно **«Канон молебный ко Пресвятой Богородице, поемый во всякой скорби душевной и обстоянии»** с прибавлением к нему утвержденной ранее **«молитвы о восстановлении мира»**, – сказал Первосвятитель в своем обращении от 16 марта 2022 года.

## ***Канон, глас 8-й***

### **Песнь 1**

*Ирмос:* Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

*Припев:* Пресвятая Богородице, спаси нас.

Многими содержимь напастьми, к Тебе прибегаю, спасения иский: о, Мати Слова и Дево, от тяжких и лютых мя спаси.

Пресвятая Богородице, спаси нас.

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

*Слава:* Спаса рождшую Тя и Бога, молю, Дево, избавитися ми лютых: к Тебе бо ныне прибегаю, простираю и душу и помышление.

*И ныне:* Недугующа телом и душею, посещения Божественнаго и промысления от Тебе сподоби, едина Богомати, яко Благая, Благаго же Родительница.

### **Песнь 3**

*Ирмос:* Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

Пресвятая Богородице, спаси нас.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Пресвятая Богородице, спаси нас.

Молю, Дѣво, душевное смущение и печали моея бурю разорити: Ты бо, Богоневѣстная, начальника тишины Христа родила еси, единая Пречистая.

*Слава:* Благодетеля рождши добрых виновнаго, благоденія богатство всем источи, вся бо можеша, яко сильнаго в крепости Христа рождши, Богоблаженная.

*И ныне:* Лютыми недуги и болезненными страстьми истязаему, Дѣво, Ты ми помози: исцелений бо неоскудное Тя знаю сокровище, Пренепорочная, неизживаемое.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству.

Призри благосердием, всепетая Богородице, на мое лютое телесе озлобление, и исцели души моея болезнь.

### **Тропарь, глас 2-й**

Моление теплое и стена неборимая, милости источнице, миру прибѣжище, прилежно вопиѣм Ти: Богородице Владычице, предвари, и от бед избави нас, единая вскоре предстательствующая.

### **Песнь 4**

*Ирмос:* Услышах, Господи, смотрения Твоего таинство, разумех дела Твоя и прославих Твое Божество.

Пресвятая Богородице, спаси нас.

Страстей моих смущение, кормчию рождающая Господа, и бурю утиси моих прегрешений, Богоневѣстная.

Пресвятая Богородице, спаси нас.

Милосердия Твоего бездну призывающе подожди ми, Яже Благосердаго рождающая и Спаса всех поющих Тя.

Пресвятая Богородице, спаси нас.

Наслаждающаяся, Пречистая, Твоих дарований, благодарственное воспеваем пение, ведуще Тя Богоматерь.

*Слава:* На одре болезни моея и немощи низлежащу ми, яко Боголюбива, помози, Богородице, единая Приснодѣво.

*И ныне:* Надежду и утверждение и спасения стѣну недвижиму имуще Тя, Всепетая, неудобства всякаго избавляемся.

## **Песнь 5**

*Ирмос:* Просвети нас повелении Твоими, Господи, и мущею Твоею высокою Твой мир подаждь нам, Человеколюбце.

Пресвятая Богородице, спаси нас.

Исполни, Чистая, веселия сердце мое, Твою нетленную даючи радость, веселия рождающая виновного.

Пресвятая Богородице, спаси нас.

Избави нас от бед, Богородице Чистая, вечное рождающая избавление, и мир, всяк ум преимуший.

*Слава:* Разреши мглу прегрешений моих, Богоневесто, просвещением Твоей светлости, Свет рождающая Божественный и превечный.

*И ныне:* Исцели, Чистая, души моя неможение, посещения Твоего сподобляющая, и здравие молитвами Твоими подаждь ми.

## **Песнь 6**

*Ирмос:* Молитву пролию ко Господу, и Тому возведу печали моя, яко золь душа моя исполнится, и живот мой аду приближися, и молюся яко Иона: от тли, Боже, возведи мя.

Пресвятая Богородице, спаси нас.

Смерти и тли яко спасл еси, Сам Ся издав смерти, тлением и смертью мое естество ято бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя живота вем и Хранительницу тверду, Дево, и напастей решающую молвы, и налоги бесов отгоняющую; и молюся всегда, от тли страстей моих избавити мя.

*Слава:* Яко стену прибежища стяжашом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

*И ныне:* На одре ныне немощствующей лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

## **Кондак, глас 6-й**

Предстáтельство христиáн непосты́дное, ходата́йство ко Творцу́ непрелóжное, не прэ́зри грéшных молéний глáсы, но предвари́, я́ко Благáя, на пóмощь нас, véрно зову́щих Ти; ускори́ на моли́тву, и пощи́ся на умоле́ние, предстáтельствующи при́сно, Богороди́це, чту́щих Тя.

### **Другой кондак, глас тот же**

Не има́мы ины́я пóмощи, не има́мы ины́я наде́жды, ра́зве Тебе́, Пречи́стая Де́во. Ты нам помози́, на Тебе́ наде́емся, и Тобо́ю хва́лимся, Твой бо есмь раба́, да не постыди́мся.

### **Стихира, глас тот же**

Не вве́ри мя челове́ческому предстáтельству, Пресвята́я Влады́чице, но приими́ моле́ние раба́ Твоего́: скорбь бо обде́ржит мя, терпе́ти не могу́ де́монскаго стреля́ния, покро́ва не има́м, ниже́ где прибегну́ окаянный, всегда́ побежда́емь, и утешéния не има́м, ра́зве Тебе́, Влады́чице ми́ра, упова́ние и предстáтельство véрных, не прэ́зри моле́ние моé, полéзно сотвори́.

### **Песнь 7**

*Ирмос:* От Иудеи доше́дше óтроцы, в Вавило́не иногда́, véрою Трóической пла́мень пéчный попра́ша, поюще: отце́в Бо́же, благослове́н еси́.

Пресвята́я Богороди́це, спаси́ нас.

На́ше спасéние Якоже восхотéл еси́, Спа́се, устрои́ти, во утробу́ Де́выя всели́лся еси́, ю́же ми́ру Предстáтельница показа́л еси́: отéц на́ших Бо́же, благослове́н еси́.

Пресвята́я Богороди́це, спаси́ нас.

Воли́теля ми́лости, Его́же родила́ еси́, Ма́ти чи́стая, умоли́ изба́виться от прегрешéний и душе́вных скверн véрою зову́щим: отéц на́ших Бо́же, благослове́н еси́.

*Слава:* Сокрóвище спасéния и Исто́чник нетлéния, Тя рóждшую, и столп утверждéния, и дверь покая́ния, зову́щим показа́л еси́: отéц на́ших Бо́же, благослове́н еси́.

*И ныне:* Телéсныя сла́бости и душе́вныя недúги, Богородите́льнице, любóвию приступáющих к крову́ Твоему́, Де́во, исцели́ти сподóби, Спа́са Христа́ нам рóждшая.

### **Песнь 8**

*Ирмос:* Царя Небеснаго, Егóже пою́т во́и а́нгельстии, хвалите и превозносите во вся ве́ки.

Пресвятáя Богорóдице, спаси́ нас.

Пóмощи я́же от Тебé трéбующий не прéзри, Дево, пою́щия и превозно́щия Тя во ве́ки.

Пресвятáя Богорóдице, спаси́ нас.

Неможéние ду́ш моея́ исцеля́еши и телéсныя болéзни, Дéво, да Тя прослáвлю, Чíстая, во ве́ки.

*Слава:* Исцелéний богáтство изливáеши вéрно пою́щим Тя, Дéво, и превозно́щим неизречéнное Твое́ рождествó.

*И ныне:* Напáстей Ты прилóги отгоня́еши и страстéй нахóды, Дéво: тэмже Тя поём во вся ве́ки.

## **Песнь 9**

Ирмос: Во́истинну Богорóдицу Тя исповéдуем, спасéннии Тобóю, Дéво Чíстая, с безплóтными ли́ки Тя велича́юще.

Пресвятáя Богорóдице, спаси́ нас.

То́ка слез мо́их не отврати́ся, Я́же от вся́каго лица́ вся́ку слéзу, отъемшаго, Дéво, Христá рóждшая.

Пресвятáя Богорóдице, спаси́ нас.

Рáдости моé сéрдце испóлни, Дéво, Я́же рáдости приéмшая исполнéние, грехóвную печáль потребля́ющи.

Пресвятáя Богорóдице, спаси́ нас.

Приста́нище и предста́тельство к Тебé прибегáющих б́уди, Дéво, и стена́ неруши́мая, прибéжище же и покрóв и весéлие.

*Слава:* Свéта Твоегó заря́ми просвети́, Дéво, мрак неведéния отгоня́ющи, благовéрно Богорóдицу Тя исповéдающих.

*И ныне:* На мéсте озлоблéния нéмощи смири́вшагося, Дéво, исцели́, из нездрáвия во здравие претворя́ющи.

## **Стихиры, глас 2-й**

Вы́шую небéс и чíстшую свéтлостей со́лнечных, избáвльшую нас от кля́твы, Влады́чицу мíра пéснями почтíм.

От мно́гих мо́их грехо́в немощств́ует т́ело, немощств́ует и ду́ша мо́я; к Тебе́ прибега́ю, Благода́тней, наде́ждо ненаде́жных, Ты ми помози́.

Влады́чице и Ма́ти Изба́вителя, приими́ моле́ние недостойных раб Твои́х, да ходата́йствуеши к Ро́ждшемуся от Тебе́; о, Влады́чице ми́ра, бу́ди Ходата́ица!

По́ем приле́жно Тебе́ песнь ны́не, Всепе́той Богоро́дице, ра́достно: со Предте́чею и все́ми святы́ми мо́ли, Богоро́дице, е́же ущедри́ти ны.

Вся А́нгелов во́инства, Предте́че Госпо́день, апо́столов двоенаде́сятице, святы́и вси с Богоро́дицею, сотвори́те моли́тву, во е́же спасти́ся нам.

### **Молитвы ко Пресвятой Богородице**

Цари́це мо́я преблагáя, наде́ждо мо́я Богоро́дице, приятелище си́рых и стра́нных Предста́тельница, скорбя́щих ра́досте, обиди́мых Покрови́тельнице! Зри́ши мою́ беду́, зри́ши мою́ скорбь́, помози́ ми я́ко немо́щну, окорми́ мя я́ко стра́нна. Обиду́ мою́ веси́, разреши́ ту, я́ко воли́ши: я́ко не има́м ины́я по́мощи ра́зве Тебе́, ни ины́я Предста́тельницы, ни Благи́я Уте́шительницы, токмо Тебе́, о Богома́ти, я́ко да сохрани́ши мя и покрýеши во ве́ки веко́в. Ами́нь.

К кому́ возопи́ю, Влады́чице? К кому́ прибе́гну в го́рести мо́ей, а́ще не к Тебе́, Цари́це Небе́сная? Кто плач мой и воздыхáние моё́ при́мет, а́ще не Ты, Пренепоро́чная, наде́ждо христиáн и прибе́жище нам греш́ным? Кто па́че Тебе́ в напáстех защити́т? Услы́ши у́бо стенáние моё́, и приклони́ у́хо Твоё́ ко мне, Влады́чице Ма́ти Бо́га моего́, и не прэ́зри мене́, трéбующаго Твое́я по́мощи, и не отступи́ от мене́ раба́ Твоего́, Влады́чице, за ропта́ние моё́, но бу́ди мне Ма́ти и Засту́пница. Вруча́ю себе́ ми́лостивому покрóву Твоёму: приведи́ мя греш́наго к ти́хой и безмяте́жней жи́зни, да плачуся о гресéх мо́их. К кому́ бо прибе́гну повин́ный аз, а́ще не к Тебе́, упова́нию и прибе́жищу греш́ных, наде́ждою на неизрече́нную ми́лость Твою́ и щедрóты Тво́я окриля́ем? О, Влады́чице Цари́це Небе́сная! Ты мне упова́ние и прибе́жище, покрóв и заступле́ние и по́мощь. Цари́це мо́я Преблагáя и ско́рая Засту́пнице! Покрýй Твои́м ходата́йством мо́я прегрешéния, защити́ мене́ от враг ви́димых и неви́димых; умягчи́ сердца́ злых челове́к, возстаю́щих на мя. О, Ма́ти Го́спода моего́ Творца́! Ты еси́ ко́рень де́вства и неувяда́емый цвет чистоты́. О, Богороди́тельнице! Ты пода́ждь ми по́мощь немощств́ующему плотски́ми страстьми́ и болéзнующему се́рдцем, еди́но бо Твоё́ и с Тобо́ю Твоего́ Сы́на и Бо́га на́шего има́м заступле́ние; и Твои́м пречу́дным заступле́нием да изба́влюся от вся́кия бе́ды и напáсти, о Пренепоро́чная и Пресла́вная Бо́жия Ма́ти Мари́е. Те́мже со упова́нием глаго́лю и вопию́: ра́дуйся, благода́тная, ра́дуйся, обра́дованная; ра́дуйся, преблагослове́нная, Го́сподь с Тобо́ю.

## **Молитва о восстановлении мира**

*Владыко Многомилостиве Господи, Иисусе Христе, Боже наш, молитвами Всепречистыя Владычицы нашея Богородицы и Приснодевы Марии, святых равноапостольных великого князя Владимира и великия княгини Ольги, святых Новомучеников и исповедников Церкви нашея, преподобных и богоносных отец наших Антония и Феодосия, Киево-Печерских чудотворцев, Сергия, игумена Радонежского, Иова Почаевского, Серафима Саровского и всех святых, благоприятну сотвори молитву нашу о Церкви и о всех людех Твоих.*

*От единыя купели Крещения, еже при святем князе Владимире, мы, чада Твои, благодать восприяхом, – дух братолюбия и мира в сердцах наших навеки утверди!*

*Иноплеменным же языком, брани хотящим и на Святую Русь ополчающимся, – запрети и замыслы их ниспровергни.*

*Благодатию Твоею власть предержавших ко всякому благу настави, воинов – в заповедях Твоих утверди, лишеныя крова – в дома введи, голодные – напитай, недугующая и страждущая – укрепи и исцели, в смятении и печали сущим – надежду благую и утешение подаждь, на брани убиенным – прощение грехов и блаженное упокоение сотвори.*

*Исполни нас яже в Тя веры, надежды и любве, яко да во всех странах наших единеми усты и едином сердцем исповемся Тебе, Господу и Спасителю нашему Иисусу Христу, со Безначальным Твоим Отцем, Пресвятым Благим и Животворящим Твоим Духом во веки веков. Аминь*